



UNIVERSITÄTS-  
BIBLIOTHEK  
PADERBORN

**Selectae Christiani Orbis Deliciae ex Urbibus, Templis,  
Bibliothecis, et aliunde**

**Sweerts, Pierre François**

**Coloniae Agrippinae, M. DC. IIX.**

Regio Lepidana.

---

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

CAROLO V. Romanorum Imp. victori, ac triumphatori semper Augusto, & de repub. Christiana bene merito S. P. Q. P. P.

MAXMILIANVS Romanorum Imp. voluntarios labores semper appetens, Reip. bonū statum, atque dignitatem Imperij priuatis commodis proponens, omnibus quietem parat.

AD BIBLIOTHECAM.

Ingredere Musis facer, nam & hic dii habitant.

IBIDEM.

Nullus amicus magis libet, quàm liber.

AD CAMINVM.

Præcipua domus vtilitas & pernicies, ignis & lingua.

REGIO LEPIDANA.

IN SVMMO TEMPLO.

CONSTANTINVS PORRVS, ex præsentibus futura prospiciens, hoc sibi, suisq; posteris monumentum confecit; in quo morte obita requiescat, dum surgentes hic rursus Deus euocet. Anno M. D. LII.

AD CARMELITAS.

S. PROSPERI EPISCOPI.

*Hic situs est PROSPER, quo sancto Prasule gaudet  
Regium, & hic cineres ossaq; sacra iacent.  
Marmoreo monachi condunt pia busta sepulcro,  
Namq; vetus turris fregerat alta cadens.*

A B

## AD S. DOMINICVM.

Hoc tumulo Briami requiescunt ossa Simonis,  
Regia se vrbs tanto iactat alumna viro.  
Felsina mirata est, Ferrariaq; ipsa docentem  
Græca, Latina, artes Paonis, astra, Deos.

## PROSPERI BRVNEI.

Quem Regium peperit, docuit quem Felsina, vterq;  
Quem populus fleuit, hic iacet orbis amor.  
Decessit xv. Kalend. Maij. M. D. XXIX. Vixit ann.  
XXI. D. X.

IN ECCLESIA MONIALIVM  
S. MARIAE.

IYLIA MANFREDA SCAIOLA matrona  
lectissima, cuius animus temporibus secundis, &  
dubijs rectus fuit, posteris & vitæ, & mortis singu-  
lare exemplum admiratione imitationeque dig-  
num reliquit: Obijt anno æt. suæ XXXVI. v. Kal.  
Mart. M. D. LXXI. Franciscus Co. coniux coniugi  
integerr. moestiff. POS.

## IN FORO.

## SVB BRENNI STATVA.

BRENNVS totius Saxonix Rex, Germani exer-  
citus Imperator, cum ea loca teneret, quæ Athe-  
sin, Padumque interiacent; populos, qui, aduen-  
tatis in Italiam Odoacri metu, in paludes sese ab-  
diderant, in vrbes suas restituit: Odoacrumque  
ipsum per sororis nuptias sibi iunctum post Ore-  
stis mortem Romanis conciliauit. Quibus com-  
positis, cum oppida ad viam AEmiliam posita, iam  
Gotho-

Göthorum aduentu deprædata, non sine magna tanta vastitatis admiratione peragraret; Regium Lepidi peruenit. Eam cum, aliarum urbium exemplo, vacuam hominibus modeste ferret; et duobus ibi Sacerdotibus, quos casu in templo latentes inuenerat, certior factus, populum ad portam Scitulam (Bismantua petram hodie vocant) confugisse, eum in locum missis actutum locutis duobus, adiunctisque in itinere illis Sacerdotibus, nunciari ciuibus iussit, Regium ut redirent, ibi Brennum gratè eos accepturum esse, defensionemque etiam ab iniurijs barbarorum. Itaque cum ipsitanti Ducis audito nomine, spe plena in patriam per Clodiam portam redirent; obuiam exeuntem in urbis ponte Brennum habuerunt. Tum S. P. Q. Regiensis, qui cum C. D. equitum praefectio, M. peditum instructa sub Rom. Imper. signa acie aduenerat, moti praesentis Imperatoris maiestate, equis descendere. quo spectaculo delectatus Brennus, pari humanitate ab equo desiliens, ingredientem Senatam amicum suscepit: qui portam deinde Clodiam semirutam, per eos ferè nouem annos, quibus apud eos fuit, instaurandam curam adiecitque ab ea parte murum M. cubitorum: eam in posterum, ob gratam rei memoriam, Brennoniam portam appellari voluit; pedestremque statuarum eam ob rem sibi in illa erexit: insculpique ibi praeterea familiae suae insignia, pardos tres correptos, iussit, notata literis eius rei, in praesentem usque diem, memoria.

S V B C A R O L I M A G N I  
S T A T V A .

C A R O L V S Francorum Longobardorumque  
Rex

Rex, qui ob egregia eius gesta Magni cognomen-  
tum tulit, omnibus tum corporis tum animi virtu-  
tibus præditus; Romani Imperij moderator opti-  
mæ religionis obseruator integerrimus, eius exi-  
mia liberalitate, precibusq; Apollinei tunc præ-  
sulis Regiensis, illi confinium Regij memoriam,  
in tabulis æneis incisam, & à Principibus Longo-  
bardorum iamdiu comprobaram, offerentis; e of-  
dem fines nedum confirmauit, verum etiam ultra  
terminos M. AEmilij Lepidi Regilli, fundatoris  
Regij Romanor. colonia, & sub eorum imperij le-  
gibus insignis, ab ipsis olim pace belloque mode-  
rata; à finitimis ob monumenta & indulta deorum  
fortuitò flammis consumpta, interceptos produ-  
xit, sinibusque Mantuæ, Bononiæ, Lucæ, Parmæ, Ti-  
cini, Nonocomi adiunxit; ciuitatemque ipsam  
instituendi gymnasij, alijsque quamplurimis pri-  
uilegijs decorauit.



## MVTINENSIA.

IN MVTINAM IVL. CAES.  
SCALIGER.

**N**escit quo potius tumeat Rangonia tellus:  
Tot se fama noua vertit in ora vetus.  
Fama vetus, tot fama recens se vertit in ora:  
Ut tituli numeros nesciat ipsa sui.  
Mars catus inuictis admiscet viribus artem:  
Ardua sic gemino nomine bella docet.  
At Venus atherias cum sinxerit aurea formas:  
Verborum adiunxit pondera picta modis.  
Inde triplex liquidos animos inspirat Apollo:  
Inde triplex nitida gratia iuncta manu.